

## **ხელშეკრულება № (მომსახურების შესყიდვა)**

ქ.თბილისი

„8“ აპრილი“ 2015 წელი

სსიპ ილია ჭავჭავაძის საგურამოს სახელმწიფო მუზეუმი წარმოდგენილი მისი დირექტორის აბედუკაძის სახით (შემდგომში „შემსყიდველი“), ერთის მხრივ და შ.პ.ს. „აუდიტ-ეკონომიკის“ წარმოდგენილი დირექტორის ა.ალავერდაშვილის სახით (შემდგომში „მიმწოდებელი“) მეორეს მხრივ, ვდებთ წინამდებარე ხელშეკრულებას შემდეგ ზე:

### **1. ხელშეკრულების საგანი**

1.1 წინამდებარე ხელშეკრულების საფუძველზე „მიმწოდებელი“ თანახმაა გაუწიოს „შემსყიდველს“ ხელშეკრულების დადებიდან აუდიტორული მომსახურება. აუდიტორულ მომსახურებაში შედის:

1.1. „შემსყიდველის“ სსიპ ილია ჭავჭავაძის საგურამოს სახელმწიფო მუზეუმის საფინანსო-საქმიანობის სრული აუდიტორული შემოწმება ანუ 2014 წლის საწარმოს ფინანსური ანგარიშგების შემოწმება.

1.1.2 კონსულტაციები ფინანსურ და სხვა საკითხებთან დაკავშირებით.

1.1.2 მხარეები თანხმდებიან, რომ 1.1.1 და 1.1.2 პუნქტებით გათვალისწინებული მომსახურების შესრულების ვადები, ანაზღაურების ოდენობა, საგანი, მოცულობა, გადახდის წესი განსაზღვრული არის ამ ხელშეკრულებით, ხოლო 1.1.3 პუნქტით გათვალისწინებული მომსახურება საჭიროების მიხედვით დამატებით გაფორმებული მომდევნო ხელშეკრულებებით, რომლებშიც გათვალისწინებული იქნება პირობები (შესრულების ვადები, ანაზღაურების ოდენობა, საგანი, მოცულობა, გადახდის წესი).

### **2. მხარეთა უფლება-ვალდებულებანი**

„მიმწოდებელი“ იღებს ვალდებულებას:

2.1 დაიცვას აუდიტორული საქმიანობის ეთიკა და მოპოვებული ინფორმაციის კონფიდენციალობა.

2.2 საიდუმლოდ შეინახოს აუდიტის დროს მიღებული ინფორმაცია, არ გაახმაუროს კომერციული საიდუმლოს შემცველი ცნობები, გარდა საქართველოს კანონმდებლობით გათვალისწინებული შემთხვევებისა და არ გამოიყენოს ისინი თავიანთი ან მესამე პირის ინტერესებისათვის.

2.3 წარუდგინოს „შემსყიდველს“ სრული აუდიტორი დასკვნა, რომელიც დროში და დასკვნის საგნის შესაბამისობაშია.

„შემსყიდველი“ იღებს ვალდებულებას:

2.4 მისცეს „მიმწოდებელს“ აუდიტორული მომსახურებისათვის საჭირო ყველა აუცილებელი დოკუმენტის გაცნობის საშუალება და წერილობითი ან სიტყვიერი განმარტება.

2.5 მოახდინოს „მიმწოდებელთან“ ანგარიშსწორება დამატებითი შეთანხმებით გათვალისწინებული წესითა და პირობებით.

### **3. მომსახურების გაწევის წესი და პირობები**

3.1 მხარეთა მიერ სახელშეკრულებო პირობების შესრულება ფორმდება სათანადო ანგარიშის ან სხვა დოკუმენტის მიღება-ჩაბარებით (შემდგომში „აქტი“).

3.2 „შემსყიდველი“ ვალდებულია დასრულებული სამუშაო განიხილოს მისი მიღებიდან 10(ათი) დღის განმავლობაში.

3.3 „შემსყიდველი“ ვალდებულია მომსახურების შესახებ არსებული ნებისმიერი პრეტენზია და შენიშვნები წერილობით წარუდგინოს „მიმწოდებელს“ ანგარიშის ან სხვა დოკუმენტის მიღებიდან 10 დღის განმავლობაში.

3.4 ამ ვადის გასვლის შემდეგ შესასრულებელი მომსახურება ითვლება შესრულებულად, უპირობოდ დგება მიღება-ჩაბარების აქტი და მხარეებს ერთმანეთის მიმართ პრეტენზიები არ გააჩნიათ. ზემოაღნიშნულ დროში „შემსყიდველის“ მიერ წარმოდგენილი პრეტენზია უნდა ეყრდნობოდეს საფუძვლიან შენიშვნას, რის შედეგადაც პრეტენზიის წარმოდგენიდან 5(ხუთი) დღის ვადაში შედგება ორმხრივი აქტი, სადაც მოცემული იქნება აუცილებელი დამატებითი სამუშაოების ჩამონათვალი და მათი შესრულების ვადები.

#### **4. ანგარიშსწორება მხარეთა შორის**

4.1 მხარეთა შორის ანგარიშსწორება ხორციელდება უნაღდო ანგარიშსწორების გზით.

4.2 1.1.1 და 1.1.2 პუნქტებით გათვალისწინებული გაწეული მომსახურებისათვის „შემსყიდველი“ „მიმწოდებელს“ უხდის 700(შვიდასი)ლარს, რომელსაც სრულად ანაზღაურებს აუდიტორული მომსახურების შესრულების მიღება-ჩაბარების აქტის გაფორმებიდან სამი საბანკო დღის განმავლობაში.

#### **5. მხარეთა პასუხისმგებლობა**

5.1 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ზიანის მიყენებული მხარე დაზარალებული მხარის მიერ მიყენებულ ზარალს ანაზღაურებს მოქმედი კანონმდებლობით დადგენილი წესით, რასაც განსაზღვრავს სასამართლო.

5.2 მხარეთა ქონებრივი პასუხისმგებლობის მოცულობა არ შეიძლება აღემატებოდეს მათი მიზეზით ფაქტობრივად მიყენებული ზიანის ოდენობას.

#### **6. პასუხისმგებლობისაგან განთავისუფლება**

6.1 ვალდებულების შეუსრულებლობისათვის მხარეები თავისუფლდებიან პასუხისმგებლობისაგან, თუ კი ეს გამოწვეული იყო დაუძლეველი ძალის გარემოებათა გამო.

6.2 დაუძლეველი ძალა ნიშნავს ისეთ გარემოებებს, რომლებიც არ არსებობდა ხელშეკრულების დადების მომენტისათვის, წარმოიშვა მხარეთა ნების გარეშე და რომელთა დადგომის და მოქმედების კონტროლი აღემატება მხარეთა გონივრულ კონტროლს.

6.3 მხარე, რომელიც ვერ ასრულებს ვალდებულებებს დაუძლეველი ძალის გარემოებათა გამო, ვალდებულია დაუყოვნებლივ აცნობოს ამის შესახებ მეორე მხარეს. თუ ასეთი შეტყობინება არ იქნება გაკეთებული 3 დღის ვადაში, დამრღვევ მხარეს უფლება არა აქვს პასუხისმგებლობისგან განთავისუფლების მიზნით მიუთითოს ასეთ გარემოებებზე, თუ კი შეტყობინების გაუგზავნელობა არ იყო გამოწვეული ამ გარემოებით.

6.4 დაუძლეველი ძალის გარემოებათა 7 დღეზე მეტი ხნით არსებობისას მხარეს, რომელიც არ იმყოფება ასეთ გარემოებათა მოქმედების ქვეშ, უფლება აქვს

ცალმხრივად შეწყვიტოს ხელშეკრულება და ამის შესახებ დაუყოვნებლივ აცნობოს მეორე მხარეს.

### **7. ინფორმაციის კონფიდენციალობა**

7.1 მხარეები თანხმდებიან, რომ ხელშეკრულებაში შემაჯავალი ნებისმიერი სახის ინფორმაცია კონფიდენციალურია და მხარეებს არა აქვთ უფლება ამგვარი ინფორმაცია გაანდონ მესამე პირებს.

7.2 წინამდებარე ხელშეკრულების მიხედვით „კონფიდენციალურია ინფორმაცია“, რომელიც ცნობილი გახდა მხარეებისათვის ხელშეკრულების შესრულებასთან დაკავშირებით, შეეხება მხარეთა შორის ანგარიშსწორებას, ერთი ან/და ორივე მხარის საქმიანობას, ასევე ის, რომელსაც მხარეები განიხილავენ კონფიდენციალურად, რომელიც მნიშვნელოვანი და საგნობრივია ერთ-ერთი მხარისათვის და საწარმოს ინტერესებიდან გამომდინარე, არ არის ცნობილი ფართო საზოგადოებისათვის წერილობითი ან ზეპირი ფორმით.

7.3 მხარეები თანხმდებიან, რომ წერილობითი თანხმობის შემდეგ ასეთი ინფორმაციის გადაცემა, საჭიროების შემთხვევაში, შესაძლებელია თუ ამას კანონი ან რომელიმე კომპეტენტური იურიდიული ორგანო მოითხოვს.

7.4 მხარეები თანხმდებიან, რომ წინამდებარე პუნქტის დებულებათა მოქმედება უვალოა.

### **8. დავის გადაწყვეტა**

8.1 მხარეები სადაო საკითხებს წყვეტენ ურთიერთშეთანხმების საფუძველზე.

8.2 თუ ასეთი შეთანხმება ვერ იქნა მიღწეული დავის წამოჭრიდან 1 (ერთი) თვის განმავლობაში, მხარეები მიმართავენ სასამართლოს.

8.3 მხარეები თანხმდებიან, რომ ნებისმიერი პრეტენზია განხილული იქნება ადრესატი მხარის მიერ მისი მიღებიდან 5 (ხუთი) დღის განმავლობაში.

### **9. ხელშეკრულების ძალაში შესვლა და მოქმედების ვადა**

9.1 ხელშეკრულების ძალაში შესვლის თარიღად ითვლება ხელშეკრულების პირველ გვერდზე აღნიშნული თარიღი და მოქმედებს 31.12.2015წ.

9.2 ხელშეკრულების გაუქმება ან ვადის გაგრძელება დასაშვებია მხარეთა შეთანხმებით.

9.3 ხელშეკრულება შეწყვეტილად ჩაითვლება იმ მომენტიდან, როდესაც მხარეები წარმოადგენენ უკვე შეთანხმებული მომსახურების მიღება-ჩაბარების აქტს და ურთიერთ ანგარიშსწორების აქტს.

### **10. ზოგადი დებულებები**

10.1 არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან/და ვალდებულებანი გაასხვისოს ან გადასცეს მესამე პირებს.

10.2 ხელშეკრულებაში ცვლილებები და დამატებები შეიძლება შეტანილი იქნას ორივე მხარის წერილობითი თანხმობით.

10.3 ხელშეკრულებაში ცალმხრივად შეტანილი ცვლილებები და დამატებები ბათილია შეტანის მომენტიდან.

10.4 მხარეები თანხმდებიან, რომ ის ურთიერთობანი, რომელიც არ იქნა რეგლამენტირებული წინამდებარე ხელშეკრულებით რეგულირებული იქნება საქართველოს მოქმედი სამოქალაქო კანონმდებლობით დადგენილი წესით.

10.5 ხელშეკრულება შედგენილია ორ ეგზემპლარად ქართულ ენაზე და ორივე ტექსტს გააჩნია თანაბარი იურიდიული ძალა.

**მუხლი 10: მხარეთა იურიდიული მისამართები**

**“შემსყიდველი”**

სსიპ ილიაჭავჭავაძის საგურამოს სახელმწიფო  
მუზეუმი  
მცხეთის მუნიციპალიტეტი სოფ.საგურამო  
ბანკის კოდი:TRESGE22  
საიდენტიფიკაციო კოდი: 236067224  
დირექტორი: *ა. ბედუკაძე* ა.ბედუკაძე



**“მიმწოდებელი”**

დაწესებულების დასახელება:  
შპს“აუდიტეკონომიქსი“  
მისამართი: ქ.თბილისი  
მიცკევიჩის #8  
ბანკი: საქართველოს ბანკი  
ა/ა GE60BG000000179014200  
ბანკის კოდი BAGAGE22

დირექტორი:



*ა.ალავერდაშვილი*